

赤水玄珠全集

S25-6

1516

1部3

醫案新都治驗三卷目錄

瓊兄內傷飲食外感風邪一

程龍邱翁每行動即作熱發渴嘔惡腰與環跳穴常痛二

汪松崗原傷於酒夜分發熱咳嗽咯血三

族妹經不行者八十日每飲食入腹即疼痛吐出迺止四

孫華野喉痛頰車腫五

顯兄每辛苦及酒多則咯血數口六

吳遂兄濕熱發黃七

族侄明之痰火上逆大吐痰沫因而嘔血一涌數碗有發明八

族嫂程氏肺癰九

侄息葉氏身面四肢浮腫十

族侄孫伍仲善飲好內小便血淋疼痛

令眷吐紅發熱十一十二

亮卿令愛右目紅腫十三

太學少竹眼紅腫脹十四

一僕婦產後惡露不盡腹中作痛十五

程好吾令孫右耳後生毒腫痛十六

華岳令堂右手臂肢節脹痛十七

程兩峯令眷血痢十八

程七譚兄臍腹右邊疼痛小水不利嘔吐不進食十九

程社貴兄醉後御色次早胃脘痛極二十 汪松崗令眷左脇痛咳嗽內熱二十一

贊皇令堂產後左脇痛甚二十二

許少峯中風先兆二十三

朱宅女脊熱入血室二十四

孫熙宇肢節腫痛痰多嘔惡病多夢鬼二十五

愛泉傷風咳嗽聲啞右邊不能貼席二十六

侄婦戴氏有妊五月忽血大下午後發熱二十七

靈岳迺脊胃脘疼頭痛暈舌麻二十八

吳人峯先生內人兩脇脹急痛拒胃脘二十九

陳鐵兄內人產後腹痛發熱下痢膿血三十

程石洲迺脊因產難子死憂悶小腹有塊作痛復因多食圓眼腹益大脹堅如石大

如斗氣促不安有發明三十一

程嫗年八旬頭暈腳軟大便溏洩小水淋瀝三十二

程道吾先生令政夜驚而驚時常暈厥三十三

一僕婦瘟疫以勞食復作三十四

程方塘年六十四風癱不能步者三載腿肉盡消三十五

汪省吾瘡三日一發發於夜三十六

汪東之丈七月初旬虛陽口瘡有發明

令眷姪中咳嗽三十七 三十八

吳東渠瘡後虛憊三十九

吳西源令眷以艱子多鬱多思肌肉盡削皮膚燥揭遍身生瘡體如火燎四十

族嫂程氏環跳穴邊腫痛寒熱并發不能動止四十一

恒宇瘡後遭跌環跳脫出不能復收四十二

侄孫女周歲發慢驚四十三

程少湖以飲生酒面浮胸脹四十四

吳斗一原有腸風又感風邪發熱多痰腹痛下痢四十五

侄孫二水體甚肥胖患溫瘧疾四十六

堪輿張錫泉先生左脇皮裏膜外疼痛四十七

族侄雲岳偏墜臍腹腰俞脹痛四十八 一婦妙齡感風寒致成鼻淵四十九

程兩峯瘀血發黃吐出穢惡如爛猪肺狀大便秘色如黑有發明五十

予表嫂小產後腹痛暈厥五十一 陳士美傷寒熱症漏底五十二有發明

程松逸兄酒疸五十三 仲諫患跨馬癰五十四有發明

一婦咳嗽痰中有紅五十五 周佃侄春溫鼻衄寒戰五十六

汪氏婦腹脹如斗五十七 仲登陽症作陰有發明五十八

汪希明性躁痰火咳嗽吐紅五十九 祝弘吾潮熱咳嗽汗流不止六十

汪宥翁老年勞倦感冒胸膈大熱而痞六十一

汪鍊兄內人經水紫黑血塊不止六十二 程相如令政姪發寒熱六十三

余文台壯年咳嗽吐紅六十四

邵伯成女經行而浴感冒大發寒熱嘔吐煩燥六十五

金氏婦血崩後四肢浮腫六十六 張雲門令郎囊癰六十七

朱宅內眷懷妊受驚而成子懸六十八 胡隣泉女吐血潮熱六十九

汪思石令堂怒後暈厥七十 侄孫君實遍身筋骨疼如虎嚙七十一

葉子黑內人疫後虛憊七十二



孫如亭令政右眼眚突生白泡二寸餘嘔吐眩運有發明七十三

吳勉齋腹痛欲死有發明七十四

黃頤齋內子產未滿月醉犯房事血來如崩七十五

程心章兄頰腮紅腫七十六

程六十喘後發腫七十七

程七護丈發熱背痛伏梁積塊下痢紅白七十八

程孺人黃氏春溫過時熱病七十九

程有望孺人月汛當止不止八十

上舍近洲胸脇脹痛有發明八十一

黃源金先生內人吐血洩瀉發喘有大發明八十二

孫合溪翁八旬而發寒熱咳嗽汗出不止飢餓連聲八十三

孝廉方叔度令嫂汪氏脹滿八十四

吳天威丈便癰八十五有發明

文貴者時疫漏底發熱譫語有發明八十六

鍾澤程夢奎孺人哭子過傷因發寒熱有發明八十七

歙潛口汪召南丈令郎鼻脹有發明八十八

岩鎮鄭景南丈痰飲積塊跳動不止有發明八十九

醫案三卷

明新安生生子孫一奎文垣甫輯

門人 徐景奇

新都治驗

子朋來全閱梓

瓊兄內傷飲食外感風邪洒淅惡寒發熱煩燥不寧已經表汗瀉吐之後小水短赤口渴腹中疼夜不能睡耳聾氣塞神魂不安懊憹不已予脉之兩寸滑大左關絃右關滑兩尺皆絃皆七至據此迺少陽陽明兩經合病仲景云渴而小便不利者當利其小便先與柴苓湯加竹茹進之耳稍聰稍得睡熱仍不退聞食氣即嘔以濟生竹茹湯加人參麥冬黃連外與辰砂六一散三錢服後神稍清手足心仍熱用竹葉石膏湯而熱亦不退且懊憹殊甚合目即譫語按仲景謂傷寒汗吐下後懊憹不得眠者熱在心胸之間宜輕湧之以梔子豈豉湯主之服後晚間仍不得眠兩耳氣塞難當改以小柴胡湯合白虎湯進之即得睡睡中汗出二次耳頓通利因進食早及發熱口渴舌上黃胎此陽明餘熱復萌乃用石膏七錢甘草一錢知母三錢黃連一錢五分百合竹茹各一錢竹葉三十片急進而熱全退始得獲安

程龍坵翁每行動即作熱發渴嘔惡腰與環跳常痛脉左沉細右寸滑關尺濡弱此上焦有痰火下焦有濕熱治當流溫舒筋然後施補先用苡仁三錢蒼朮藏靈仙

牛膝黃栢烏藥葉紫荊皮各一錢紅花桂皮防己各五分水煎服外以鹿茸虎骨晚蚕沙仁茅黃栢龜板蒼朮牛膝杜仲蜜丸服之而安二

汪松翁原傷於酒夜分有熱咳嗽咯血不思飲食左脇氣不調左寸脉乾關澁尺弱右寸短關滑此胃中痰火正旺氣血俱虛宜先清胃保肺然後大補麥冬知母寒水石甘草紫苑人參牡丹皮白芍藥當歸貝母桑白皮煎服一帖紅仍未止加側栢葉茅根四帖而紅止過後四月又爲怒氣所傷血又動左不能睡桃仁滑石紅花當歸人參貝母山梔仁甘草香附青皮牡丹皮煎服而安予囑渠令子曰寄語令堂諸凡得意事可與尊翁知之如不得意者切不可使之聞也蓋肝爲藏血之所況血去多肝火剛燥心主不足內經云主不明則十二官危不可不謹防之且左不得眠肝脹可知予甚爲尊翁慮後三年果爲怒復乃命使迎予予固辭謝曰向曾訂囑今病之來非不佞所堪任也不逾旬而歿三

族妹經不行者八十日每飲食入腹即疼痛必盡吐出乃止居常亦吐酸水上焦熱下焦寒大便半月始一行食飲不進者四十日六脉皆數左滑右軟弱妹能事者以其夫多病且不諳世故由是悵悵病從思慮而得恐成膈症今大便秘結吐酸乃膈之徵急宜拂慮庶藥有功先與丁靈丸一粒而吐止繼用溫胆湯加大腹皮羌連痛吐全安故以二陳湯加香附條芩山梔仁丹參砂仁調理兩月經行大便始潤而膈症斯不作矣四

孫華野脉沉絃而數喉痛頰車腫兩太陽作脹疼遍身皆脹痛增寒發熱乃痰火上

壅而變風熱將欲作毒也宜急治之薄荷甘草升麻白芷石膏枳殼天花粉桔梗大力子連翹玄參一帖而愈五

顯兄每辛苦及酒多則咯血數口脉兩寸皆短弱關尺洪數此胃中有痰火而下焦有陰火由壯年酒色所傷故耳以丹參滑石各三錢白芍藥二錢麥冬貝母桃仁紫苑牡丹皮各一錢當歸七分甘草五分煎服而安六

歙邑吳遂兄木商也在吳興年七十因冒雨勞力汗出又以冷水澡浴因而發熱口渴心與背互相脹疼小水長而赤舌上黃胎夜不得臥眼目如金皮膚盡黃吳興之醫見之遠走不敢措劑謂其年高不宜此病譴勸回家乃敦訪予治診得左脉浮數右濡弱兩手皆有六至予曰此濕熱發黃症也病雖重年雖高有是症當有是藥毋用倉皇乃以柴胡三錢酒芩葛根青蒿香薷天花粉各一錢人參七分粉草五分連進二帖晚得微汗即能睡次早熱退其半舌胎稍淡潤不焦燥矣胸膈餘熱作煩身黃如舊以竹茹青蒿葛根各一錢人參麥門冬天花粉知母各八分白芍藥六分二帖熱退食進精神陡長後與補中益氣湯加青蒿麥門冬天花粉十帖而眼目肌膚之黃盡釋然矣吳興諸公悉服其精當各錄方而傳七

放姪文學明之以作文過勞痰火上逆大吐痰沫因而嘔血一涌數碗昏暈汗出奄奄而臥畧不敢動稍動即嘔吐而血隨出色鮮紅飲食湯水皆不敢入入即吐而眩運血即隨之里有婺君程聞野氏爲之診駭而走曰血如涌泉體熱脉大眩運而藥食難入似無佳兆乃速予治予膠視畢語其乃兄勉之曰可生也何舉家張

惶若此勉之以程言告余余曰看症要圓活勿拘泥據經云心主血肝藏血又曰怒則氣上又曰脉虛身熱得之傷暑今左脉絃大右脉虛大明之不獨作文勞心動火且亦被怒傷肝抑又爲暑所逼以致木火上升眩運作吐經曰諸風掉眩皆屬肝木諸嘔吐逆皆屬於火又諸動屬火內爲木火上升衝外爲暑氣所迫故吐而汗多血隨吐出也醫貴識病有是病則有是藥予特以白丸子三錢解其暑氣清其痰飲抑其衝逆則吐可止吐止氣平則血自能歸經服後果嗜然而睡醒則吐止食進眩暈尋已繼用滑石香薷各三錢甘草五分黃連白扁豆各一錢五分竹茹一錢四帖全安八

從嫂程氏年近五十患咳嗽吐鼻膿血一日夜一碗餘發熱晝輕夜重肌肉大瘦六脉浮而洪滑且數人皆謂嘔血身熱脉大法在不治予曰此非嘔血比也此係釀酒傷肺又爲怒氣所觸瘀血濁痰滯於肺之氣竅無從而出久之化而爲膿成肺癰也治宜開肺竅活血化痰使膿盡當自愈也諸人治之二年不效予教以白芨薏苡仁各三錢牡丹皮桔梗茜根歸尾山梔子貝母白芍藥各一錢甘草葶藶子各五分三十帖全愈後壽七十三以他病而終此疾再不復發九

族姪媳葉氏年三十身面四肢浮腫漸而入腹腹大不可言眼泡腫而無縫飲食大減小水不利此滯氣水脹也以大腹皮茯苓皮姜黃蒼朮厚朴澤瀉木香烏藥陳皮服四劑而眼目能開飲食稍進即爲食傷而復腫予改用七傷丸調理全安十族姪孫伍仲立年善飲好內小便血淋疼痛予以滑石甘草梢海金沙琥珀山梔子



青蒿茅草根煎膏爲丸梧桐子大每空心及食前燈心湯送下三錢不終劑而愈後五年因子遲服補下元藥過多血淋又發小便中痛極立而不能解必蹲下如婦女小解樣始能解出皆大血塊每行一二碗餘如是者半月諸通利清熱之劑靡不遍嘗不應脉俱洪數予以五靈脂蒲黃甘草梢各二錢小薊龍牙草各三錢水煎空心服二帖而痛減半血仍舊改用蘿麥山梔子甘草各二錢茅根杜牛膝連葉車前草各三錢生地黃柴胡黃栢木通各一錢四帖痛全減血全止惟小便了而不了六脉亦和緩不似前矣後以人參葛根青蒿白朮茯苓甘草白芍藥升麻黃栢知母調理萬全十一

令眷辰州太守石峰公女也吐紅發熱經水二十日一行或一月行二次白帶且多胸膈飽脹脉洪數以丹參生地山梔子白芍藥小薊鹿角膠水煎臨服加入童便一酒盃二十劑而瘳十二

亮卿令媛右目紅腫如腹中飽眼乃能開飢則眼不能開此疳積虛寒症也以夏枯草二錢甘草穀精草各一錢香附一錢五分煎服四帖而安十三

姪孫少竹大學生也眼紅腫脹余雲谷以苦寒治時疾之劑與之眼愈腫且增兩太陽痛前藥中再加石膏不惟眼腫不消頭痛不止且令遍身脹悶寢食俱廢予爲脉之絃大而無力乃用蔓荊子桑白皮柴胡香附夏枯草甘草芽茶一帖而痛定兩帖腫消四帖全瘳十四

一僕婦產後惡露不盡腹中作痛且冒風咳嗽嘔吐頭暈脚麻木不知痛痒亦不能



轉側與糖毬子紫蘇旋覆花烏藥五靈脂茯苓川芎當歸澤蘭葉玄胡索加沙糖煎服而痛止再進惡露行咳嗽嘔吐皆愈十五

上舍程好吾公令孫右耳後生一毒腫痛遍身生大泡瘡增寒發熱與金銀花當歸尾甘草赤芍連翹姜蚕大力子玄參兩劑而消十六

華岳令堂年五十餘向來小水短少今則右背鹽匙骨邊一點痛夜尤痛已經半月醫治不效展轉加劇即於右邊手臂肢節皆脹痛筋皆暴起肌肉上生紅點子脉兩手皆滑數右尺軟弱乃濕熱傷筋而成痛痺以東垣舒經湯爲主羌活升麻桃仁麻黃紅花當歸防風甘草獨活猪苓黃柏防己知母黃連兩帖痛減腫消再亦不發十七

由溪程兩峰丈內人患血痢裏急後重嘔吐不納穀兩寸脉洪大以竹茹溫胆湯加姜連滑石橘紅酒苓水煎服二帖大便秘結實膿血皆止惟後重與枳殼當歸芍藥生地桃仁條苓甘草滑石酒連四帖全安十八

由溪程七護兄臍腹右邊疼痛小水短少大便四日未行嘔吐不能進食舌上白胎面青手冷勢甚危急脉之左沉伏右滑大有力予曰此痰格中焦氣閉下焦故大小便秘而不利氣逆嘔吐也不急治即無救矣與柏樹東行根皮二錢滑石三錢桃仁青皮枳實檳榔各一錢水煎服之夜半吐出膠痰碗餘大便未行痛亦不減次日改用玄胡索五錢水煎臨服調下玄明粉三錢辰刻服下午刻痛減大半未刻大便始行右脉平而左脉起矣覺體倦無力以生脉散加甘草山梔仁黃柏芍

藥以仁陳皮調理如故十九

由溪程社貴兄先醉酒後御色次早四肢冷胃脘痛極脉僅四至先醫以鬱火爲治投以寒涼痛更增極二日前所食西瓜仍吐出不化乃翁以爲陰症傷寒欲用附子理中湯不決逆予治之予觀其面色青慘叫痛而聲不揚坐臥煩亂予曰此霍亂兼蛇厥症也先當止痛安蛇後理霍亂可免死也遲則誤事矣急用五靈脂醋炒三錢蒼朮一錢五分烏梅三枚川椒炮姜桂心各五分水煎飲下痛減大半下午以大腹皮藿香半夏陳皮山查五靈脂茯苓兩帖全安二十

汪松崗令眷左脇疼咳嗽內熱每嗽則脇下弔痛寢食大減與青皮香附甘草芍藥訶子山梔子貝母茯苓柴胡桃仁滑石人參水煎飲之熱除痛減二十一

文學贊皇令堂產後左脇痛甚咳嗽痰不易出內熱氣壅不能伏枕予以瓜蒌仁六錢桑白皮紫蘇子杏仁半夏桔梗枳殼各一錢水煎服之而氣壅定嗽漸減除外與保和丸及七製化痰丸而安二十二

許少峰胃中有痰肝胆經有鬱火心血不足面色黑而枯燥肢節疼痛健忘精神恍惚內熱將有中風之兆左寸細數關絃數右關重按滑兩尺弱治宜清肝胆之鬱火而養心神消胃中之痰涎而生氣血使神帥氣帥血氣血周流經絡無壅則諸疾不期愈而自愈矣何中風之有哉用石菖蒲黃連白茯苓半夏酸棗仁天麻橘紅各一兩牛胆南星二兩白姜蚤青黛木香各五錢柴胡七錢五分竹瀝生姜汁打神麴糊爲丸藁豈大每食後及夜茶湯仁下二錢一日二三次服完神氣大

健肢節皆舒面色開而手足輕健種種皆瘳少峰曰吾生平服藥少效不期此方之神若是不惟自服有功即諸親友有痰火者服之莫不響應二十三

朱宅女眷經水行一月不止每黃昏先寒後熱遍身疼痛胸前脹悶不通必欲大噉叫嘶用手於喉中幹而吐出痰涎乃寬今且渴甚此痰飲癰疾今飲食不進夜如見鬼者乃熱入血室也用小柴胡湯加生地黃丹皮陳皮桃仁兩帖後以白朮三錢何首烏二錢陳皮麥芽各一錢烏梅一枚生姜三片水煎服之而寒熱止諸症皆安二十四

孫熙宇肢節腫痛痰多嘔惡胸中氣不暢達語言亦不清利夜夢皆亡人野鬼追陪情神慘惡驚恐不安且汗多不止飲食減三之二遠近名家醫治逾月不應敦予爲治診其脉左手甚弱汗多故也右手滑大痰飲濕熱而然法當補斂前醫皆作風治而用疎散洩其元神將成柔痿予以人參麥門冬五味子白芍藥當歸苡仁陳皮石斛木瓜甘草白朮桂枝服此汗大斂而神思稍清吐亦止矣惟飲食不思夜夢與亡人同遊爲惡耳改用人參黃耆枸杞子苡仁白朮各一錢五分當歸遠志茯苓木瓜陳皮各一錢甘草五分水二鍾入雄猪心血一枚煎作八分飲之四帖乃能睡始夢生人不復夢亡人矣二十五

愛泉上年十月因傷風咳嗽即時聲啞繼聞父喪過憂右邊不能貼席而睡醫以滋陰降火之劑治之半年肌肉大削大便溏瀉飲食減少咳嗽聲啞有加喉且疼痛迎余爲治診得六脉俱絃數此憂傷肺思傷脾症也危急甚矣以白朮茯苓陳皮

粉草苡仁桔梗柴胡桑白皮酒炒白芍藥澤瀉麥芽山查煎服一日再以荊芥桔梗玄參甘草茯苓白芍酒連扁豆山藥山查木通服此而右邊可睡矣改用參苓白朮散加白芍藥烏梅訶子酒連山查調理而愈二十六

姪婦戴氏有孕已五月矣忽血大下午後發戰六脉俱數左寸滑大右關搏指左關軟弱予以白芍藥二錢生地阿膠人參蒲黃各一錢柴胡香附地榆荊芥穗各七分甘草五分煎服午後發寒熱每夜凡三次頭痛惡心腹中塊硬所下血塊甚多心下怯力此虛無疑也以補中益氣湯加阿膠炮姜白芍藥烏梅煎服下午右眼白珠發一白泡光腫下垂而面赤腫此虛火遊行無制之症其夜大發寒熱指爪皆黑唇白汗大出腹中作痛牽引兩乳皆痛仍以補中益氣湯加阿膠白芍藥桂枝五味子麥冬服後熱退汗止渴除神氣稍定乃有生意次日咳嗽而胎墮即以獨參湯繼服其夜腸鳴瀉二次以人參白朮各三錢炙甘草一錢五分炮姜一錢桂心茯苓各五分陳皮七分蓮子大棗煎服後因咳嗽以四君子加炮姜五味子紫苑調理而愈二十七

靈岳乃眷胃脘疼痛手心熱頭暈舌麻兩太陽痛背心亦脹內熱而外惡寒必厚被蓋覆得微汗迺解二陳湯加桔梗杏仁桑白皮枳殼青皮白芥子蘿蔔子酒芩煎服兩帖舌竟不麻晚因食雞過多膈上氣滯二陳湯加蘿蔔子枳實山查川芎香附酒連調理全愈二十八

歙溪南吳人峰先生內人兩脇脹急抵於胃脘作痛痛一陣則汗出一番兩顴紅唇

口亦紅飲食湯水飲之立吐不受者三日夜矣予爲胗之兩寸脉洪大兩尺沉微予以井水半碗白滾湯半碗和之名曰陰陽湯用此調立明粉一錢五分服之惟不吐痛減半矣少頃大便秘行二次因食豆腐及粥太早而痛復萌唇臉皆紅此必有虫故如是也與白芍藥桂枝粉草烏梅花椒五靈脂杏仁水煎痛乃定其大半再與蒼朮厚朴山查枳實茯苓玄胡索香附一帖全止但心背皮膚外疼不能着席而睡以川芎當歸白朮厚朴大腹皮粉草茯苓香附陳皮半夏調養全愈二十九

陳鉄兄內人產後腹痛發熱下痢膿血裏急後重川芎一錢當歸三錢茯苓乾姜肉桂山查陳皮酒炒白芍藥白朮各一錢粉草五分一帖而腹痛止痢輕後重亦除惟發寒熱多汗改用人參白芍藥桂枝粉草川芎當歸白朮茯苓香附陳皮山查再劑而諸症如釋三十

程石洲乃眷因產難子死憂悶小腹有塊作痛下午發熱不思飲食次早胗之脉右大於左者三倍且數與芎歸湯加糖棗子澤蘭葉肉桂次日下午腰腹脹痛詰之晌午食圓眼一斤矣從此小腹漸脹大便三日未行早晨鼻衄夜間極熱口渴脉大無緒勢甚危急用川芎當歸紅花桃仁青皮檳榔莪朮山查水煎調立明粉二錢服後大便稍行結糞二枚安而就寢醒後進粥稍多又復脹痛腹大如斗堅如石氣促不安勢危至此亦已極矣迺與五靈脂糖棗子各四錢凌霄花二錢赤芍藥一錢服後大便通腹軟氣定始可進粥漸有生氣但脉仍鼓指此腹中積滯尙



多不可不因其時而驅去也用糖毯子大黃各三錢桃仁二錢桂心紅花各五分炙甘草七分水煎臨服調玄明粉一錢五分其夜下黑糞四次熱始退上腹雖消臍下仍大仍以桃仁承氣加山查滑石紅花煎飲之五更大便行臍腹脹又漸減後與積塊丸調理全消是役也女流只知女科專門爲仗故前發熱腹痛之時彼專門不察虛實即以常套十全大補湯投之詎知圓眼肉初入腹之時不覺少頃漸漸脹開故腹亦因之而脹也且其味甘尤能作滯復加地黃參朮寧不塞其塞哉由是而成大滿大堅之症內經謂中滿者瀉之於內良以此夫彼亦泥乎丹溪產後須當大補氣血之誤也三十一

程宅一老嫗年八十餘常頭暈脚軟撐載上身不起行須人扶否則眩暈跌仆大便溏洩小水淋瀝此下元虛憊所致以人參黃芪白朮薏苡仁各二錢山茱萸杜仲茯苓各一錢陳皮山藥粉草各八分八帖而愈三十二

文學程道吾先生令眷夜爲夢屢所驚時常暈厥精神恍惚一日三五發咳嗽面色青不思穀食日惟啖牛肉脯數塊而已時師屢治無功吳渤海視爲寒痰作厥投以附子肉桂而厥尤加逆予爲治胛左脉絃右脉滑兩寸稍短道吾先令眷二皆卒於瘵知其爲傳屍瘵症也不易治之迺權以壯神補養之劑消息調理俟飲食進胃氣轉始可用正治之法姑用人參茯苓栝子仁石菖蒲遠志丹參當歸石斛以補養神氣以陳皮貝母甘草紫苑化痰治嗽服半月而無進退迺爲製太上渾元丹藥用紫河車一具辰砂鱉甲犀角各一兩鹿角膠紫石英石斛各八錢沉香

乳香安息香茯苓紫苑牛膝人參各五錢射香五分煉蜜爲丸赤豆大每早晚鹽湯或酒送下三十六丸又製霹靂出獵丹藥用牛黃狗寶阿魏安息各一錢虎頭骨五錢啄木鳥一隻獼猴爪一枚敗鼓心破皮三錢射香五分天靈蓋一箇煉蜜爲丸雄黃三錢爲衣每五更空心葱白湯送下五分三五日服一次與太上渾丸丹相兼服纔服半月精神頓異不似前時恍惚矣但小腹左邊一點疼前煎藥中加白芍藥一錢服之一月精神大好量厥再不發矣次年生一女其宅療疾從此再亦不傳三十三

一僕婦年三十患瘟疫一月餘矣非勞復即食復今則發熱咳嗽胸脇疼耳聾口渴大便七八日不行不知人事迺與柴胡石膏各三錢瓜蒌桔梗枳殼各一錢五分黃芩前胡各一錢天花粉八分甘草五分黃連八分急煎服之人事稍知因大便不行次日以大柴胡湯下之又次日大便雖行熱仍不退改以柴胡二錢白芍藥黃芩麥門冬各一錢天花粉茯苓甘草各六分四帖而愈三十四

叅軍程方塘翁年六十四向以殭胤服溫補下元藥太多冬月下身著單袴立溪邊督工受寒致筋骨疼痛肩井缺盆脚膝跟踝手肘掌後及骨節動處皆紅腫而痛臥床褥三年吳中溪視爲虛而用虎潛丸吳渤海視爲寒而用大附子肉桂鹿茸徐東臯認爲濕周罔認爲血虛張甲認爲風李乙認爲歷節百治不瘳腿間大肉盡消惟各骨節處腫大而疼予適在程道吾宅迺逆予診之其脉絃濡有力知其爲濕熱痰火被寒氣凝滯固滯經絡也節爲藥劑不對故病日加所取者目中精